

auff der mittag linia die du geriffen hast lige/vnnd solt die
Armilla des astrolabiums gegen mittag keren/vnnd die
linia der mittnacht/gegen mitnacht/so weist dir von stund
an die linia des aufgangs vf dem Astrolabium den waren
aufgang der sonnen/sos im ersten grad des Widers/od der
Wag ist/dergleych die linia des mittags/oder die Armilla
weist den mittag/also auch die linia oder der gerad horizon
in vndergang/weist dir der Sonnen vndergang/vnd zulest
die linia der mitnacht/weyst dir mitnacht/also hastu was
du begert hast. Vnd also mag ein pergeman erfahren ob ein
gang gegen mitnacht/mittag/auf oder vndergang streiche

Berkman.

Vom dem auff vnd vndergang

Der Zeichen/eyns Sterns oder sonst
eins andern grads.

Das xxx. Capittel.

SWissenn das wir den Astronomischen aufgang
eins zeichens nennen den teyl des nechtgleichers der
zugleich mit dem aufsteygende zeichen vber den hori
zont aufgeet/vnd diser aufgang ist zweyerley/eynen
krad der ander schelch od schlym/die Astrologi sagen wenn
mer dann 30 grad im nachtleicher zu gleich mit einem zei
chen aufsteygen/so heysse das derselb aufgang ein kradet od
ein gleicher aufgang/vnnd also sprechen sy/das zeichenn gee
krad oder gleich auf. Wenn aber weniger dann 30. grad des
equinoctials mit ein zeichē aufgeet/sprechen sy/das zeichen
gee krum od schelch auf/vnd das heyst ein krumer schelcher
oder schlymmer aufgang.

Regula, von
gleichem
vf vnd mider
gang
der
Zeichen.

Dergleich magstu mercken wenn mer dann 30. grad mit
ein gangen zeichen zugleich vnder geend/so heyst dasselb ein
krader vndergang/Wen aber im equinoctiali weniger mit
ein zeichen/dan 30 grad vndergeend/so heyst das ein krum
mer oder schelcher vndergang.

G ij